



REPUBLIKA E SHQIPËRISË
MINISTRIA E DREJTËSISË

**QENDRA E PARANDALIMIT TË
KRIMEVE TË TË MITURVE DHE TË
RINJVE**

Nr. 68 prot.
Tiranë, më 13.02. 2023

**ALBA NOSTRA SALUS
QENDRA E REHABILITIMIT PËR
ÇRREGULLIMET ADIKTIVE**

Nr. 02 prot.
Tiranë, më 13.02. 2023

*NR. 09, PROT. SALUS TIRANA SWD -
DT. 13.02.2023*

MARRËVESHJE BASHKËPUNIMI

NDËRMJET

***QENDRËS SË PARANDALIMIT TË KRIMEVE TË TË MITURVE DHE
TË RINJVE***

DHE

QENDRËS SË REHABILITIMIT PËR ÇRREGULLIMET ADIKTIVE

***ALBA NOSTRA SALUS
SALUS TIRANA sh.a.***

“Për

ofrimin e shërbimeve për të miturit dhe të rinjve në konflikt me ligjin që shfaqin varësi ndaj alkoolit, lojërave të fatit, drogërave, drogërave psikotrope, etj ”

Sot, më datë 13/02/2023, në Tiranë, lidhet kjo Marrëveshje Bashkëpunimi ndërmjet palëve:

Qendra e Parandalimit të Krimeve të të Miturve dhe të Rinjve (më poshtë “QPKMR”), përfaqësuar nga Znj. Klaudia HASANLLARI, me adresë Bulevardi “Zog I - rë”, Tiranë dhe e-mail: qpkmr@drejtesia.gov.al.

dhe

ALBA NOSTRA SALUS , përfaqësuar nga Dr. Olti Pecini, me adresë rruga “Vidhe Gjata 14” Mëzez Tiranë, Shqipëri, dhe e-mail: info@albanostrasalus.al

Spitalit Salus Tirana sh.a përfaqësuar nga z.Rition Margariti, me adrese “Vidhe Gjata 14” Mëzez Tiranë, Shqipëri, dhe e-mail info@salus.al

Palët kanë rënë dakord të lidhin këtë Marrëveshje Bashkëpunimi, në vijim e quajtur Marrëveshje.

Neni 1

Qëllimi i Marrëveshjes

Kjo marrëveshje ka për qëllim përcaktimin e mënyrave të bashkëpunimit midis ALBA NOSTRA SALUS, Spitalit SALUS dhe Qendrës së Parandalimit të Krimeve të të Miturve dhe të Rinjve (QPKMR) për të ofruar shërbime për të mitur dhe të rinjë në konflikt me ligjin që shfaqin varësi ndaj alkoolit, lojërave të fatit, drogërave, drogërave psikotrope, etj ”

Neni 2

Baza Ligjore

Kjo Marrëveshje Bashkëpunimi bazohet në ligjin nr. 37/2017 “Kodi i Drejtësisë Penale për të Mitur”; ligjin nr.18/2017, “Për të Drejtat dhe Mbrojtjen e Fëmijës”; ligjin nr. 121/2016, “Për Shërbimet e Kujdesit Shoqëror në Republikën e Shqipërisë; VKM nr.148, datë 13.03.2018 “Për përcaktimin e rregullave të bashkëpunimit ndërmjet mekanizmave këshillimorë e koordinues institucionalë, strukturave për të drejtat dhe mbrojtjen e fëmijës dhe organizatave jofitimprurëse, për realizimin e politikave kombëtare e vendore, si dhe për shërbimet e nevojshme për mbrojtjen e fëmijës”; VKM nr. 635, datë 26.10.2018 “Për veprimtarinë e strukturave për mbrojtjen e fëmijës, në lidhje me fëmijën nën moshën për përgjegjësi penale, që dyshohet apo ka kryer vepër penale”, si dhe VKM nr. 314, datë 15.05.2019, “Për organizimin, funksionimin, si dhe përcaktimin e rregullimeve specifike lidhur me strukturën dhe organikën e Qendrës së Parandalimit të Krimeve të të Miturve dhe të Rinjve”, i ndyshuar.

Neni 3

Kohëzgjatja e marrëveshjes

Kjo Marrëveshje Bashkëpunimi lidhet për një periudhë 1 (një) vjeçare me të drejtë ripërtëritjeje me të njëjtin afat, nese palët nuk shprehen në të kundërt përpara mbarimit të afatit.

Neni 4

Detyrat e palëve

1. Qendra e Parandalimit të Krimeve të të Miturve dhe të Rinjve (QPKMR) angazhohet:

- a) Të hartojë dhe të dërgojë një letër referencë për të miturit që kanë përfunduar ose janë duke vuajtur dënimin, në të cilën evidentohet nevoja dhe që shfaqin varësi ndaj alkoolit, lojërave të fatit, drogërave, drogërave psikotrope, etj, si dhe të komunikojë me personin përgjegjës nga ALBA NOSTRA SALUS dhe Spitalin SALUS për ndjekjen e rasteve.
- b) Të bashkëpunojë me ALBA NOSTRA SALUS dhe Spitalin SALUS për monitorimin e zbatimit të programit individual të trajtimit të të miturit, gjatë gjithë periudhës kohore të nevojshme të trajtimit.

2. ALBA NOSTRA SALUS dhe Spitali SALUS angazhohen:

- a) Të zhvillojnë një model ndërhyrjeje pozitive në lidhje me ofrimin e shërbimeve të kombinuara që synojnë arritjen e rezultateve fizike, mendore dhe sociale të pacientëve që shfaqin varësi ndaj alkoolit, lojërave të fatit, drogërave, drogërave psikotrope, etj për të miturit në kontakt me ligjin.
- b) Të ofrojnë trajtime në saj të tre fazave të konsideruara si: DETOKSIFIKIMI - REHABILITIMI – MBIKQYRJA
- c) **Faza e Detoksifikimit** realizohet pranë Spitalit Salus për periudhën e përcaktuar nga stafi mjekësor. Detoksifikimi të realizohet në një pavion të veçantë, të specializuar nën monitorimin dhe mbështetjen e vazhdueshme dhe intensive nga ekipi i specialisteve.
- d) **Faza e Rehabilitimit**. Në përfundim të procesit të detoksifikues të kryhet një rivlerësim i detajuar i pacientit nga stafi terapeutik. Nëse konstatimi mjekësor

rezulton pozitiv dhe pacienti është i motivuar të përmbushë misionin e tij të largimit nga varesia, dhe nëse janë të gjitha kushtet e plotësuara të konsiderohet mundësia e qëndrimit rehabilitues në qendrën Alba Nostra Salus.

- e) Të hartojë planin e rehabilitimit i cili do të zgjas 3-6 muaj dhe është i personalizuar për secilin të mitur.
- f) Të mundësojnë aktivitete në grup, terapitë individuale dhe angazhime të tjera psiko-fizike në mënyrë të tillë intensive për të stimuluar dhe forcuar motivimin e përditshëm për të qëndruar larg varësisë.
- g) Të komunikojë dhe informojë QPKMR-në për çështje që mund të dalin gjatë zbatimit të terapive me të miturit.

Neni 5

Personat e Kontaktit

1. Secila nga palët përcakton një person kontakti të cilës/it i drejtohen të gjithë komunikimet, qofshin verbale apo të shkruara, elektronike ashtu edhe të shtypura.
2. Në çastin e nënshkrimit të kësaj marrëveshjeje, personat e kontaktit janë si vijon:
 - a) Për ALBA NOSTRA SALUS: Znj. Frida KATIRAJ , me numër kontakti Cel: 0695397673
 - b) Për QPKMR: Znj. Klaudia HASANLLARI, Drejtor, me numër kontakti Cel: 0688751513.
3. Këta persona do të jenë përgjegjës gjithashtu për saktësinë e protokolleve, procesverbaleve dhe çdo dokumenti tjetër të nevojshëm.
4. Në rast të ndryshimit të njërit nga këta persona, pala e cila përfaqësohet prej këtij personi, duhet të sigurohet që të njoftojë me shkrim palën tjetër nënshkruese brenda 5 (pesë) ditësh, për të dhënat e personit të ri të kontaktit.

Neni 6

Konfidencialiteti

1. Palët, në dijëni të përgjegjësisë së tyre ligjore, zotohen të respektojnë dhe të ruajnë etikën profesionale dhe konfidencialitetin e informacionit për secilin nga rastet objekt të bashkëpunimit midis tyre.
2. Në qoftë se nevojitet, në funksion të interesit më të lartë të fëmijës, njëra palë mund t'u kalojë informacionet e përfituara mbi personat subjekt i kësaj marrëveshjeje (Neni 1 më lart) palëve të treta, duke njoftuar/sqaruar paraprakisht me e-mail apo shkresë palën tjetër nënshkruese të kësaj Marrëveshjeje në lidhje me këtë veprim.

Neni 7

Përfundimi i Marrëveshjes

1. Secila nga palët mund të përfundojë këtë Marrëveshje përpara afatit të përcaktuar në nenin 3, duke njoftuar palën tjetër me shkrim, jo më vonë se 30 (tridhjetë) ditë përpara përfundimit të marrëdhënieve të Marrëveshjes, duke dhënë sqarime të hollësishme mbi këtë ndërprerje.
2. Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga marrëveshja deri në çastin e ndërprerjes së marrëdhënieve.

Neni 8

Hyrja në fuqi

Marrëveshja hyn në fuqi nga dita e nënshkrimit të saj.

Neni 9


Dispozita të fundit

1. Kjo marrëveshje hartohet në gjashtë kopje të barasvlershme, nga dy kopje për secilën palë, të firmosura nga titullarët dhe të vulosura me vulat zyrtare të institucioneve palë.
2. Marrëveshja mund të ndryshohet vetëm nëpërmjet një dokumenti me shkrim të nënshkruar nga të dyja palët.

PËR


**QENDRËN E PARANDALIMIT
TË KRIMEVE TË TË MITURVE
DHE TË RINJVE (QPKMR)**

**DREJTOR
KLAUDIA HASANLLARI**



PËR

**ALBA NOSTRA SALUS
ADMINISTRATOR
DR. OLTI PEGINI**



PËR

**SALUS TIRANA SH.A
ADMINISTRATOR**

RITION MARGALITI

